

«Бу эса очик-ойдин араб тилидадир»

Image not found or type unknown



17:01 / 18.11.2020 1901

Аллоҳ таоло Қуръони Каримда шундай марҳамат қилади:

تَعْقِلُونَ لَعَلَّكُمْ عَرَبِيًّا قَرَأْنَا أَنْزَلْنَاهُ إِنَّا

1. «Биз уни **арабий** Қуръон этиб нозил қилдик, шоядки, ақл юритсангиз». (Юсуф сураси, 2- оят).

وَاقِبْ وَلَا يَمِنُ مِنَ اللَّهِ مِمَّنْ لَكَ مَا أَلْعَبُ مِنْ جَاءَكَ بَعْدَ مَا أَهْوَاءَهُمْ اتَّبَعَتْ وَلِيْنِ عَرَبِيًّا حَكْمًا أَنْزَلْنَاهُ وَكَذَلِكَ

2. «Ана шундай қилиб, уни **арабий** ҳукм этиб нозил қилдик. Агар сен ўзингга келган илмдан сўнг уларнинг ҳавойи нафсларига эргашсанг, сен учун Аллоҳдан на бир дўст ва на бир сақловчи бўлмас». (Раъд сураси, 37- оят).

﴿١١٣﴾ مُبِينٌ عَرَبِيٌّ لِّسَانٍ وَهَذَا أَعْجَبُ إِلَيْنِو يُلْحِدُونَ الَّذِي لِسَانٌ بَشَرٌ يَعْلَمُهُ، إِنَّمَا يَقُولُونَ أَنَّهُمْ تَعَلَّمُوا وَقَدْ

3. «Батаҳқиқ, биламизки, албатта, улар: «Унга бирорта башар таълим бермоқда, холос», дерлар. Улар гумон қилаётганнинг тили ажамийдир. Бу эса **очиқ-ойдин араб тилидадир**». (Наҳл сураси, 103-оят).

﴿١١٣﴾ ذَكَرًا لَهُمْ مَّحَدِّثًا أَوْ يَتَّبِعُونَ لَعَلَّهُمْ الْوَعِيدُ مِنْ فِيهِ وَصَرَفْنَا عَرَبِيًّا قُرْآنًا أَنزَلْنَاهُ وَكَذَلِكَ

4. «Шундай қилиб, уни **арабий Қуръон** этиб нозил этдик. Шоядки, тақво қилсалар ёки уларда эслаш пайдо қилса, деб унда қўрқинчли ваъдаларни баён қилдик». (Тоҳа сураси, 113-оят).

﴿١١٥﴾ مُبِينٌ عَرَبِيٌّ بِلِسَانٍ ﴿١١٤﴾ الْمُنذِرِينَ مِنْ لَتَكُونَ قَلْبِكَ عَلَى ﴿١١٣﴾ الْأَمِينِ الْرُوحُ بِهِ نَزَلَ ﴿١١٢﴾ الْعَالَمِينَ رَبِّ لَنَنْزِيلٍ وَإِنَّهُ

5. «Албатта, у (Қуръон) оламлар Роббининг нозил қилганидир. Уни Рухул Амийн олиб тушди... сенинг қалбингга. Огоҳлантиргувчилардан бўлишинг учун. **Очиқ-ойдин араб тилида**». (Шуаро сураси, 192-195 оятлар).

﴿١١٨﴾ يَتَّبِعُونَ لَعَلَّهُمْ عَوَجٌ ذِي غَبَرٍ عَرَبِيًّا قُرْآنًا ﴿١١٧﴾ يَنْذَكُرُونَ لَعَلَّهُمْ مَثَلٌ كُلٌّ مِنَ الْقُرْآنِ هَذَا فِي النَّاسِ ضَرْبًا وَقَدْ

6. «Батаҳқиқ, ушбу Қуръонда одамларга турли мисоллар келтирдик. Шоядки, эслатма олсалар. Эгриликсиз **арабий Қуръон** ҳолида. Шоядки, тақво қилсалар». (Зумар сураси, 27, 28-оятлар).

﴿٢﴾ تَعْقِلُونَ لَعَلَّكُمْ عَرَبِيًّا قُرْآنًا جَعَلْنَاهُ إِنَّا

7. «Биз уни **арабий Қуръон** қилдик. Шоядки, ақл юритсангиз». (Зухруф сураси, 3- оят).

﴿٣﴾ يَعْلَمُونَ لِقَوْمٍ عَرَبِيًّا قُرْآنًا أَنَا آيَاتُهُ، فَصَلَّتْ كَتَبُ

8. «Биладиган қавмлар учун **арабий Қуръон** ўлароқ, оятлари муфассал баён қилинган Китобдир». (Фуссилат сураси, 3-оят).

﴿١٢﴾ لِلْمُحْسِنِينَ وَشُرَى طَلَمُوا الَّذِينَ يُنذِرَ عَرَبِيًّا لِسَانًا مُصَدِّقٌ كَتَبُ وَهَذَا وَرَحْمَةً إِمَامًا مُوسَى كَتَبُ قَبْلَهُ، وَمِنْ

9. «Ундан (Қуръондан) олдин Мусонинг китоби йўлбошловчи ва раҳмат эди. Бу эса **араб тилидаги**, тасдиқловчи, зулм қилувчиларни огоҳлантириш учун ва яхшиларга хушхабар Китобдир». (Аҳқоф сураси, 12-оят).

10. «Ана шундай қилиб, сенга Уммул қурони ва унинг атрофини огоҳлантиришинг учун, у ҳақда ҳеч шубҳа йўқ Кунидан огоҳлантиришинг учун **арабий Қуръонни** ваҳий қилдик. Бир гуруҳ жаннатда, бир гуруҳ дўзахда». (Шуро сураси, 7-оят).

Изоҳ: «Аллоҳ таоло Ўзининг охирги ва мукамал динига, инсоният камолга етган пайтида, унга қиёмат кунигача икки дунё саодатини кўрсатувчи қилиб юборган динига, абадий дастур қилиб юборган ваҳийга **араб тилини** танлади. Азизу Ҳаким бўлган Аллоҳ таолонинг бу ихтиёри ҳам ҳикматга тўла эди.

Аллоҳ таолонинг охирги дини қиёмат қоим бўлгунча туриши керак. Бунинг учун доимий мўъжиза лозим. Ўтган пайғамбарларнинг мўъжизалари шахсларга боғлиқ бўлиб, улар жисман дунёдан ўтишлари билан мазкур мўъжизалари ҳам тамом бўлар эди.

Ислом қиёмат қоим бўлгунча қолиши ихтиёр қилингани учун ҳам, Аллоҳ таоло Муҳаммад соллаллоҳу алайҳи васалламнинг бош мўъжизалари этиб Қуръонни ирода қилди.

Абадий мўъжиза бўлиб қоладиган китоб учун эса шунга лойиқ тил керак. Бу тил **араб тили** бўлди. Айнан шу тил барча талабларга жавоб бера оларди. Шундай бўлди ҳам. Аллоҳ таоло Қуръонни араб тилида туширди. Уни «мўъжиза» деб эълон қилди.

Тилларнинг нозик-нозиклигича ҳис қилиб истеъмол этадиган арабларни мусобақага чақирди: «Агар қодир бўлсалар, Қуръонга ўхшаш бир китоб келтиришни, лоақал ўн оятчалик ёки лоақал бир оятчалик нарса келтиришни таклиф этди.

Араблар уриндилар, келтира олмадилар. Ҳозиргача келтира олмаяптилар. Кундан-кунга, араб тилида Қуръон тушганлиги унинг абадий мўъжиза бўлиб қолишини ҳар тарафлама таъминлаганига ҳужжат ва далиллар кўпайиб бормоқда».

Шайх Муҳаммад Содиқ Муҳаммад Юсуф раҳимаҳуллоҳнинг «Қуръони карим ва ўзбек тилидаги маънолар таржимаси», «Тафсири Ҳилол» дан фойдаланилди.

Бобур Аҳмад тайёрлади